



Broj predmeta: 13-000851/22
Broj akta: 01.1-1413EK-0013/22
Datum, 1.6.2022. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH», brojevi: 22/18 - prečišćeni tekst, 49/18, 08/19, 10/19 i 32/19), u skladu s članovima 25 i čl. 70 stav (3) Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda sa preporukom Komisije za javne nabavke broj: 13-000851/22 od 18.05.2022. godine i Mišljenja Pravobranilaštva Brčko distrikta BiH broj: M-671/22 od 31.5.2022. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1

(1) U provedenom otvorenom postupku s međunarodnom objavom za nabavku opreme za provođenje politike sigurnosti informacionog sistema za potrebe Pravosudne komisije Brčko distrikta Bosne i Hercegovine – lotovi 1 i 2, izabran je najpovoljniji ponuđač kojem se dodjeljuje ugovor za Lot 1.

Naziv najpovoljnijeg ponuđača za Lot 1 je Grupa ponuđača: „Arcus“ d.o.o. Sarajevo i „Firing“ d.o.o. Visoko

Lot 1 – Isporuca i ugradnja sistema za aktivnu zaštitu od požara – sistemi automatskog gašenja u server salama za potrebe Pravosudne komisije Brčko distrikta Bosne i Hercegovine
Vrijednost ugovora sa uračunatim PDV-om iznosi **70.195,89 KM.**

Član 2

Postupak je proveden na osnovu Odluke o pokretanju postupka javne nabavke broj: SuPK-07-325/22-I od 21.3.2022. godine, Obavještenja o nabavci na portalu javnih nabavki broj: 1157-1-1-169-3-229/22 od 28.3.2022. godine, specifikacije roba u vezi sa Tenderskom dokumentacijom broj: 13-000851/22 i ponuda najpovoljnijih ponuđača.

Član 3

Finansiranje navedene nabavke će se izvršiti iz kapitalnog budžeta za 2020., 2021. i 2022. godinu, organizacioni kod 12010001, ekonomski kod 821300.

Образложение

Komisija za nabavke je nakon izvršenog otvaranja ponuda konstatovala da su dostavljene dvije ponude, sljedećih ponuđača: Grupa ponuđača: "Arcus" d.o.o. Sarajevo (nosilac) i "Firing" d.o.o. Visoko i "Sirius 2010" d.o.o. Banja Luka. Sastavni dio odluke čini zapisnik sa otvaranja ponuda i zapisnik o pregledu i ocjeni ponuda. Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive. Za Lot 1 ponudu je dostavio samo ponuđač "Arcus" d.o.o. Sarajevo (nosilac) koji je ocijenjen kao kvalifikovan i ponuda prihvatljiva jer je bila u skladu sa tehničkim specifikacijama. Za Lot 2, ponudu je dostavio samo ponuđač "Sirius 2010" d.o.o. Banja Luka koja je ocijenjena kao neprihvatljiva zato što ponuđena roba nije u skladu sa zahtjevima iz tehničke specifikacije. Utvrđeno je da je u Aneksu 9 zahtijevan komplet softvera koji se sastoji minimalno od sljedećih komponenti: Softver za centralizovani monitoring i alarmiranje. Web bazirana aplikacija na Windows platformi namijenjena za nadzor minimalno 100 uređaja, bez obzira na broj senzora, za korištenje od strane minimalno četiri administratora i bez drugih ograničenja a ponuđač je ponudio manage Engine Op Manager - 70212.33 N i 70212.33 M namijenjena za nadzor 50 uređaja što ne odgovara zahtijevanom, te je iz tih razloga ponuda ocijenjena kao neprihvatljiva i za taj Lot je dostavljena preporuka o poništenju postupka nabavke.

Nisu postojali elementi za sumnju u neprirodno nisku cijenu ponude. Nije bilo računskih greški u dostavljenim ponudama. Obzirom da je dostavljena samo jedna prihvatljiva ponuda, e-aukciju nije bilo moguće zakazati. Komisija je ustanovila da je iznos jedine dostavljene ponude za Lot 1 u okviru procijenjene vrijednosti nabavke te je dostavila preporuku o izboru najpovoljnijeg ponuđača.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

Dostavljeno:

1. Pododjeljenju za javne nabavke,
2. Ponuđačima,
3. Gradonačelniku,
4. Pravosudnoj komisiji Brčko distrikta BiH,
5. «Službenom glasniku Brčko distrikta BiH»,
6. Arhivi.

